

2021
AO

Total marks : 80

Time : 3 hours

General instructions:

- i) *Approximately 15 minutes is allotted to read the question paper and revise the answers.*
 - ii) *The question paper consists of 20 main questions. All questions are compulsory.*
 - iii) *Marks are indicated against each question.*
 - iv) *Internal choice has been provided in some questions.*
- N.B:** *Check that all pages of the question paper is complete as indicated on the top left side.*

SECTION – A (Züngang aser langzüang)

1. Agüja aliba olenji junga züngang aser tasüngdangba temji langzüang:

Mapang ka nung jahla ka yutsür tetsü süadok. Kobi melii tebui tangar tetsür ka aginü. Saka lai ashi, ner jahla anirbo ana malitsü. Anungji tebui jahla anidoktsü tasa asa. Kenep tebui jahla dang aremi aotsü shir arem jagi anir ao. Jahlaibo tebui mapa tamajung inyaktsü mebilemi tashi angaa anidaka ao. Arem tonger jahla dang iba meta ya naia angu asü mangu ta maneni asüngdanga arem tesem balala nema anir senzü. Jahlai anguba tashi nung maneni anir ao aser lai kodang iba yabo mangu ta ashi, idangji tebui iba tesem nung anen. “Tenü na yangi ataa liang, obala khen or arua na anir tugutsü” ta shia la yangji yutsür yimtaki tugu. Ammang aru tashi nungbo laji yangji kanga azüngmeyaka, tsübuseta jepa nemzüdang ajungbena yim kati nemteta tugu. Ibaji takatsür kati ngua temulung nung aria bilema lar kidangi aniketa alar ama mesü. Lialia laji iba yimtak tobur tajungtila küma yimtak takar jabaso ka kii oa ali. Kibong kümer tebuba tena kanga takar küma kikasüchia nüngtugu küma par akaba ayimsünga ao.

Iba mapang nungji tebu nunger yimtak yawara tuluka aru. Tebu o tamo naji kanga okronga sensaka timatem. Joko timtem marem nung jahlar yimtsüngi laji bushia aotsü shisatet. Pai inyakba mapato amadoker sotzü marok ka bener jahla aliba yimji bushia apuso. Anogo aika jajar, tesüsa iba yimji nikongtsütsü atong. “Kü jahla ki koba?, kong lir?” ta senzüdang, chitentsür kati ken ka yamai tenloksü. “Ner jahla ki, kilangbang nung zülü yoker tenük koda masaklokteter”. Tesüsa jahlar kiji tonga ayaketdang aakba agi sotzü marokji semjak nung yutsür atu aser akseta amen. Idangji azüi raktepa tsüin sotzü marok ayubato achiba angashia jahlai, na tsüin kechi yur atu ta asüngdang. Saka aakba agi kecha mayu ta langzü. Na lenmang talang nungi aruji yaa alitsü, chiyungang ta shia mejemtzü tajung agi teka metsükdaktsü. “Aya mejemtzü agi teka metsüktsü na? Odang metsükang, chiyungerbo tajungtiba jemdaktsütsü” ta lai ashi. Saka chiyungerbo mejemtzü tasen jemdaktsü. Idangji tebui ashi, tekabo mejemtzü tajung agi metsükdaktsü saka tajemtsü agütsüba yabo tasenato!

Idangji lai ashi, “Oba mejemtzü ya beya nungi adoker, yamaji nia ne dak nungi jakzüük, saka rapitsür ka atema nai ni agi teka metsükdok. Anungji na asoshibo mejemtzüi nüngdak mali. Aji angshia tebuja tenük nungi nuktzü alua temulung raksaa tenük anetshi. Anogo ishika lir, tebu aodang chiyungtsü renema bendaktsür, oba kamo mesüi lira khenbo anir arung” ta shir yok.

Anogo ishika lir tebui pa kinungtsü anir jahla aliba yim jagi aru. Anogo ishika jangratema chiyunga jema amung. Tena yim bushia aonep lai khu balaka oshitsü. Tebu khu nung chi tanük aser shiret enoka renemtsü. Saka tamo khu nungbo chilong aser shilong enoka renemtsür apusodaktsü. Tepiladang lai yamai ashi; Ozü azü tesashi, anungji aoksaa nena aria arura khu nung aliba chi aser shi proka jenang ta shir yok. Tenaji azüi aria arudang ashiba amaji inyak. Tebui endokba chi tanük prokshia aser shiret endoka ao. Aji menakshia shiretji ngushidang tebu jenbu. Saka tamojibo chia chilong aser shia shilong asünung azüi angüpa angüpa chir laji menepa nguset.

Tasüngbatem:

- (a) Rapitsüri jahla asoshi tebu dang koma ashi? 1
- (b) Arem tonger tebui jahla dang kechi asüngdang? 1
- (c) Jahla azüngmeyaka aser tetsübu nung alidang shibai yari? 1
- (d) Jahla tia lialia koma aküm? 1
- (e) Kechi asünung tebui jahla bushia aotsüsa aküm? 1
- (f) “Ner jahla ki kilangbang nung zülu yoker tenük koda masaklokteter”.
Shibai shiba dang ashi? 1
- (g) Kechiba jahlai tebu teka mejemtzü tajung agi metsükdaktsü aser
chiyungerbo mejemtzü tasen jemdaktsü? 1
- (h) Kechiba jahlai tamo khu nungbo chilong aser shilong temtsü? 1
- (i) Agüja aliba ojang tetezü agujang: 1+1=2
 - (i) Ayimsünga
 - (ii) Nguset

SHILEM- B (OLEM)

- 2. **Ana rongnung ka shimteta ojang 100-150 tashi nung langzüang:**
 - a. Minister of Road and Bridges, Nagaland dangi Nagaland nung lenmang
jungjunga meyangluba aser timi anepalu masüba indang ashishia aser
nemjema bilemba indang shia bangdak shiti ka züluang.
Mesüra 6
 - b. Ner School anepdang tekülem nung jembitsü agüja aliba olen nung
ajemdaker onük ka züluang “Mapang shitak amshiba”.

- 3. **Ana rongnung ka shimteta ojang 50 shi nung langzüang:**
 - a. Netsütanutsü mapa melenshia tanga tesem kati aotsüsa akümer.
Anungji lar ki ayoktsü shia osang kakat nung sangdong ka züluang.
Mesüra 4
 - b. Na Merenba/Merenla. Ner school science club nung tezülur. Ner school
nung science saya ka alitsü atema kaketshirtemi shilem tajung agiang ta
shia metetdaktsü ka züluang.

SECTION - C (Orrlem)

4. Itemi langzüang:

- (a) Metsü aser metsü ojang amshia tetezü balala keta oren kaka yangluang. 1
 - (b) Nepa (Yange amshia oren ka yangluang) 1
 - (c) Kechiba Yange tongtibang? 1
 - (d) Rarem leplashi ratetjang. 1
 - (e) Leplashi telemsa tenüngtem shiang. 1
 - (f) Yange ajak agi tapu kwi lir? 1
 - (g) Jilajitep tetezü kechi? 1
 - (h) azü aser azü ojang amshia oren balala kaka yangluang. 1
 - (i) Onenbai arem nung keyi ka angu.(Rarem leplashi nung meyipang) 1
- Itemi Apakijem tetezü agüjang:**
- (j) Tenük tebang masük 1
 - (k) Tashikang maket. 1
 - (l) Ohtsü koya tsü. 1

5. Itemi Ao oshi nung meyipang:

3

Honesty implies being truthful. Honesty means to develop a practice of speaking truth throughout life. A person who practices honesty in his/her life possess strong moral character. Honest people are sincere, trustworthy and loyal.

SECTION – D (KAKETKENO ZÜLU)

Otsü

- 6. Asüngteta alir jakla ana shiang. 1
- 7. Tashiangaba tamaitsü kuli pezü züluang. 2
- 8. Masüngteti aliba taküm ka dak aketba jakla pezü shiang. 2
- 9. Nükmen aibelenba takoksa asem rasaa shiang. 3
- 10. Senso tetezü kechi? Senso ka teinyaktsü ana shiang aser itemji tongmelang agi Rasaa shiang. 1+2= 3
- 11. Merah taket nisungji komala dang ajar? Merah taket nisung ka kümettsü asoshi naia kechisa inyaktsüla? 1+3=4
- 12. a. HIV aser AIDS kechi dang ajar? Item nungi kümzüka alitsü tasa kar shiang. 1+4=5

Mesüra

- b. Alima nung meimchir ajaki masüngteti litepra kechi koma ka akümtsü ta naia bilemer, Kuli tejangja pungu agüjang. (5)

Sangro

13. Kü lima nüngtem sangro shibai mejem? **1**
14. Shir narokhüm yakta süitsüsa aküm? **2**
15. Tzüyimbo arakzüa alinungji tajikümstö saker. Ya tatsü agi rateta shiang. **3**
16. *Mapang ka aru, rara tongpang makadak injang agi nisung dak aka, züka merenshi, Nisung janariija ama ajemshi.*
- (a) Koba sangro nungi orenji agitet? **1**
- (b) Iba sangro shibai mejem? **1**
- (c) Agüja aliba tekongji ratetjang. **2**
17. a. “Jungli Mongsen tetemsen ta, asem atem, kong, kong ta süngkong atem”. Ya oren pungu shi nung rateta züluang. **5**
- Mesüra**
- b. Teyangluri meimchir nem asadangstö doktsüba tapu anaji kechisa? Itemji rasaa shiang. **(1+4=5)**

Yimdangjem

18. Lensennguba kechiba Kohimai atu? **2**
19. “*Doctor-ba künu ya temulungjang tashitakbo masato na?*”
- (i) Agüja aliba olen ya shibai jembi? **1**
- (ii) Agüja aliba olen nung ajemdaker tatalokba tatsü agi rasaa züluang. **2**
20. a. “*Alimai asenok nem tagütsütsü aika kar.*”
- (i) Ya shibai shiba den jembi? **2**
- (ii) Kechi tensa ka nung iba ya jembitsüsa aküm orenji rasaa züluang. **3**
- Mesüra**
- b. Shiba dak tashimait ana liasü? Tashimait anaji kechisa rasaa züluang. **(5)**
